

自源清所至諭源清意撫慰之始定振前爲亂卒所擁
實不反詣源清自明不能白發憤自殺永兵至城下大
掠五堡遺孽遂盡反迎戰殺遊擊曹安官軍攻據四關
晝夜圍擊亂卒出前參將黃鎮等於獄奉爲帥死守倣
與鎮國將軍俊懋等登城止毋攻俊懋出見永請緩兵
皆不聽允中絕城出言將士妄殺狀源清叱曰汝爲賊
游說耶欲囚之允中不敢歸源清因多設邏卒遏王府
及有司軍民章疏而請益師至五萬帝命侍郎錢如京
都督江桓統京軍八千以往已忽悟罷弗遣專責源清
永討賊倣馳疏言將士妄殺激變速旋師亂可已源清